



0715b

石門文字禪

高安傅運生署



光緒己亥十有一月
錢塘丁氏刊於南昌



石門文字禪序

夫自晉宋齊梁學道者爭以金屑翳眼而初祖東來應病投劑直指人心不立文字後之承虛接響不識藥忌者遂一切峻其垣而築文字於禪之外由是分疆列界剖判虛空學禪者不務精義學文字者不務了心夫義不精則心了而不光大精義而不了心則文字終不入神故寶覺欲以無學之學朝宗百川而無盡歎民公南海波斯因風到岸標榜具存儀刑不遠嗚呼可以思矣蓋禪如春也文字則花也春在於花全花是春春在於春全春是花而曰禪與文字有二乎哉故德山臨濟棒喝交馳未嘗非文字也清涼天台疏經造論未嘗非禪

文字禪序

一

也而曰禪與文字有二乎哉逮於晚近更相咲而更相非嚴於水火矣宋寂音尊者憂之因名其所著曰文字禪夫齊秦構難而按以周天子之命令遂投戈臥鼓而順於大化則文字禪之爲也蓋此老子向春臺擯衆芳諦知春花之際無地寄眼故橫心所見橫口所言鬪于紅萬紫於三寸枯管之下於此把住水泄不通卽於此放行波瀾浩渺乃至遇物而吟逢緣而咏竝入編中夫何所謂禪與文字者夫是之謂文字禪而禪與文字有二乎哉噫此一枝花自瞿曇拈後數千餘年擲在糞掃堆頭而寂音再一拈似卽今流布疏影撩人暗香浮鼻其誰爲破顏者萬曆丁酉八月望日釋達觀撰

石門文字禪卷第一

宋釋德洪覽範箸

古詩

謁狄梁公廟

九江浪粘天氣勢必東下萬山勒回之到此竟傾瀉如
公廷諍時一快那顧藉君看洗日光正色甚閒暇使唐
不敢周誰復如公者古祠蒼煙根碧草上屋瓦我來春
雨餘瞻歎香火罷一讀老范碑頭塵看奔馬斯文如貫
珠字字光照夜整帆更遲留風正不忍掛

謁蔡州顏魯公祠堂

開元天寶政多暇孽臣姦驕濁清化尺八橫吹入醉鄉

文字禪卷一

一

國柄倒持與人把漁陽番將易漢官在廷之臣無諫者

錦光照眼更覺霓裳韻和雅叛書夜到華清宮

相臣骨驚天子訝二十四城陷同日長嗟乃爾忠臣寡

閭傳平原城壁堅穴鼻可以牯牛馬譬如灑預屹中流

江勢遠來波倒射吾知守職事主耳行藏初不較用捨

公時風姿入睿想貫日精誠震天下我行上蔡黃犬門

驚風急雪吹平野矯鴟暮集村不踞古祠窈窕連桑柘

聖朝亦旌異代忠軒然眉鬚入圖畫和如戲泚盧杞題

儼若夢令希烈怕至今握拳透爪地想見怒詞猶謾罵

聲光自與日月爭事之成敗其天也此詩我欲掃東壁

大字端宜擘窠寫便覺雲收六合陰春隨喜色生晴野

同彭淵才謁陶淵明祠讀崔鑿碑

武王旣伐紂乃不立微子雖有去惡仁終失存商義夷
齊不肯臣甘作首陽死下視莽操輩欺孤奪幼稚汗面
亦戴天特猴而冠耳桓公弄兵權劉裕竊神器先生於
此時抽身良有以袖手歸去來詩眼飽山翠追還聖之
清太虛絕塵滓長恨千載心斷絃掩流水崔子果何人
賞音乃知此與君讀此碑相視一笑喜

題李愬畫像

淮陰北面師廣武其氣豈止吞項羽君得李祐不肯誅
便知元濟在掌股羊公德化行悍夫臥鼓不戰良驕吳
公方沈鷲諸將底又咲元濟無頭顱雪中行師等兒戲
夜取蔡州藏袖裏遠人信宿猶未知大類西平擊朱泚
錦袍玉帶仍父風拄頤長劔大梁公君看韃橐見丞相
此意與天相始終

同景莊游浯溪讀中興碑

上皇御天功最盛生民溫飽臥安枕醉凭艷姬一咲適
薄夫議之無乃甚長安遮天胡騎塵潼關戰血深没人
哥舒臣賊不足惜要鬻國忠如膾鱗蒼黃去國食不暇
馬嵬賜死謝天下反身罪已成湯心奈何猶有譏之者
取非其子又遽忽靈武君臣無忤容何須嗚咽讓衣服
自控歸鞍八尺龍誰磨石壁湘江上揩拭雲煙濺驚浪
龍蛇飛動忠義詞顏元色莊儼相向與君來游秋滿眼

閒行古寺西風晚道人興廢了不知但見游人來讀碑
陳氏貫時軒

春風著萬物粉飾相明鮮雪霜摧壓之不惜如世權問
誰不可犯揖此蒼玉椽斫頭未易屈槍地猶傲然相逢
凋零中秀色披晴煙陳侯我輩人逸氣傾羣賢開軒冷
相向酬酢忘歲年我來作風聽夜雨雜山泉攜被願假
宿與子對牀眠

題寧洞山祖超然生辰

希郎真吾道門友初見忘年今耐久天機深穩道骨清
詩句誰令愕人口可憐佳處未全知但見茲篇氣渾厚
我生癡魯人所棄洞視胷中了無有但忻所至有青山
依倚叢林遮百醜君才一籌勝却我胡爲包腰反隨後
人生嗜好調自殊海上舊聞人逐臭江南長憶好雲泉
今日雲泉長入手萬頃蒼然几校間作詩舉以爲君壽
理毫聊爲試冰華小字明牕看揮肘

懷慧廓然

蕭蕭暑雨過空山成夜晴月出東南峯娟娟風露清飛
螢自開合寒蟬亦悲鳴興來忽獨往聽此落澗聲永懷
西湖上絕景玉壺明松際翛然姿振策自經行卽欲呼
就語忽隔千里程何時徑尋子夜航過臨平呼猿何足
道摩雲亦虛名未若擇法眼能識廓然兄應知像教未
大法欲歆傾談笑復一出要使萬世驚燈火作朝夕已

有相似情願隨人天會仰看辯縱橫

同超然無塵飯栢林寺分題得栢字

沙村宿雨餘炊烟淡寒色山墟蠶市休野飯漁舟隔忽
逢柳際門知有道人宅扣扉山答響童子出迎客空庭
竟何有凍死千歲栢鐘鳴食時至老僧揖就席香旆定
宿春露葵應曉摘充飢一飯美何啻萬錢直風軒納山
翠引手捫石壁愛此玉崔嵬歲久自崩拆下有洞渦泉
甘涼冰齒頰勿輕一脉微去漲萬頃澤吾行無疾徐住
佳去亦得欲收有聲畫絕景爲摹刻興來勿復緩轉顧
成陳迹

次韻超然游南塔

文字禪卷一

四

遶塔不忍去新涼生早秋不見江西月一水空悠悠龕
燈耿晝影遺像青雙眸永懷皇祐間曾此狎沙鷗往事
已陳迹豐碣撐高樓公昔從吾祖來往亦風流但餘松
菊在井臼遺林邱高風不可攀落日令人愁倚杖哦清
詩溪風披白頭脉脉不能語歸心浩難收今已不如古
無復相綢繆何當効船子華亭從釣舟

大雪戲招耶溪先生鄒元佐

昨夜顛風吹裂石曉來雪片大如席耶溪先生醉不知
擁絮雷霆喧鼻息癡奴槌門呼不應但聞含糊語呵叱
先生行世如行川虛舟觸人無怨言逢人覓錢卽沽酒
得錢不謝猶傲然我欲看君墮憤醉便覺兩頰微渦旋

欵段自能馱醉起歸路逆風吹凍耳入門兒女啼飢寒
瞪目瞠然作直視

送英老兼簡鈍夫

靈源道價壓四海骨相正似陳睦州去年龍山同坐夏
時君亦來從我游聞傳詩膽抵身大時吐佳句凌湯休
故山歸去恰千里藹足過我不肯留行看海上荔子熟
落枝丹顆無人收應共鈍夫行樹下未輸分柿獨風流

次韻龔德顏柳帖

顏柳以字名畫畫法可究後世何寂寥此輩了無有皆
云學未至妙不應心手那知斯人徒德高名往就字工
德不修名與身俱朽吾子佳少年俊氣駒方驟新詩作
行草開軸龍蛇走坐容口爲愕我亦知肯首積墨如陂
池積筆高隴阜學之不至顏要亦終至柳此詩聞東坡
請君書座右

神駒行

沙邱牝黃馬已死俗馬千年不能嗣忽生此馬世上行
神駿直是沙丘子紫燄爭光交鏡眸轉顧略前批竹耳
雪蹄卓立尾蕭梢天骨權奇生已侶綠絲絡頭沫流觜
繡帕搭鞍初結尾決驟意態欲騰驤奔逸長鳴抹千里
桐川王野夫相訪洞山既去作此兼簡直夫

野夫加於人一等玉骨春容含秀整已驚詞源倒三峽
會看聲名重九鼎江南盡處山作堆雨餘青碧數峯開

那知萬壑千巖處風帽蹇驢能獨來鳳凰鷲未入眼
今識鷓鴣猶恨晚興闌掉頭不肯留出門去袂聊一挽
君家富貴若騎虎擁鼻未免非虛語何當解帶食太倉
時時攜被宿玉堂

贈范伯履承奉二子

大范風月湖小范煙雨柳清明與秀徹風度隨付受醉
闌看落筆已覺風助肘聲名定追尋公卿在懷袖江湖
方縱浪第未一唾手乃公幹國器讜論在人口謫居長
閉門藥方曾校否著書亦細事用舍付杯酒君看雨圍
鳩雨晴定呼舊

贈汪十四

文字禪卷一

六

石麒麟兒天上物英姿秀徹氣超忽我非寶公亦識君
嘉期半千知一出五色毫端欲飛動萬卷胷中正撐突
會當談笑取卿相先看唾手斫月窟詞鋒堂堂無筆陣
人笑我頑取纓紱昨日賡酌一百篇遠紙風雷出倉卒
我詩拙惡未全貧君語定知窮到骨朝來爽氣西山高
倚杖風流如拄笏祇恐與君汗漫游共跨長鯨過溟渤

贈蔡儒効

我家與君鄰屋居君昔未生先長我君髮齊眉我總角
竹居讀書供日課君誦盤庚如注瓶我讀孝經如轉磨
長老奇君王佐才拭目顛顛觀長大十三環坐同賦詩
出語已能驚怯懦風雷遶紙成千篇棄遺不惜如零唾

神思義表文融明清絕如珠不受澆江左相傳紙價增
東坡一讀不復和懷高識遠不可屈功成回首破甑墮
家貧口衆難自安出圖斗粟充飢餓聞筆陣掃萬人
上國英雄膽先破殿前作賦聲摩空盛名四海爭掀播
華裾如葱馬如龍九衢奕若流星過我經憂患早衰微
生怕虛名招實禍方衣童首住江村飽飯愛尋閒處臥
睡餘信手摸書看會意起來行復坐林泉成趣亦題詩
年來藁帙成堆塚仙郎開卷面發光誇我雄詞驚李賀
相期他日同此遊先買鄰庵山數朶青松白石問此言
共作廬山二十箇

出蘇豆粥

文字禪卷一

七

出碓新秬明玉粒落叢小豆楓葉赤井花洗秬勿去其
沙瓶煮豆須彌日五更鍋面漚起滅秋沼隆隆踈雨集
急除烈焰看徐攪豆才亦趁洄渦入須臾大杓傳淨甕
浪寒不興色如栗食餘偏稱地爐眠白灰紅火光濛密
金谷賔朋怪咄嗟萋亭君臣相記憶我今萬事不知佗
但覺銅瓶蚯蚓泣

十二月十六日發雙林登塔頭曉至寶峯寺見重
重繪出庵主讀善財徧參五十三頌作此兼簡

堂頭

十年懷石門今日石門去雙林動曦光跋河開宿霧力
微藉古藤泥軟脫芒履風泉白雲壑夜雨青松路我生

百事廢齒髮行衰莫但餘愛山心不逐年華故此山甲
天下自昔家吾祖峯如青蓮花千葉曉方吐煙雲浮香
色清涼洗肝腑異哉萬木間白塔巋然古此老無恙時
超放殊媚嫵萬象供談笑大千爲戲具我曾從之游絕
塵追逸步誰云今已亡塔開全體露永懷憑妙觀此意
竟淒楚那知深林間聊與故人遇電眸霹靂舌咳唾成
妙語筆端撼江海千偈浩奔注人間有此客自可忘百
慮堂頭百衲師巖巖法王輔君看說禪口未肯讓前古
夜闌對昏燈豪邁激頑魯相逢俱偶然此生眞逆旅何
當各努力業已共騎虎詩成對軒渠一笑小天宇

留題三峯壁間

文字禪卷一

八

三峯稜層如削玉一派懸泉瀉寒綠平生山水性貪婪
聊與白雲相伴宿松風竹露有餘清夜伴孤月依簷楹
神凝氣爽睡無夢不聞樓上霜鐘鳴庵頭禪翁頭雪白
麻衣草履提筇策謂予久與世緣疎青眼逢迎喜詩客
三峯高兮溪水深造物留之無古今新生松竹不須剪
四時風露常蕭森粥罷收盂知我去殷勤乞與題詩句
山頭塵土任茫茫白雲自在來時路

華光仁老作墨梅甚妙爲賦此

雪裏梅開何草草欲問清香無處討回看水際竹叢邊
寂寞閑愁洗粧早東坡戲作有聲畫竹外一枝斜更好
但恐金鬚容易墮額黃雖妙難長保笑笑先生獨愛竹

雪壁風梢麝煤掃應爲冰姿不可傳醉裏相忘亦顛倒
慚愧高人筆下春解使孤芳長不老從來病眼錯黃昏
隔霧相看更相惱

仁老以墨梅遠景見寄作此謝之二首

荒寒掃橫斜稀疎開未徧煙昏雨毛空標格終微見吳
姬風鬢亂睡色餘妬面誰令種性香風味極不淺道人
三昧力幻出隨意現塞管玉織寒無勞寫哀怨

數筆何處山領略分樹石遠含千里姿間見復層出我
本箇中人慣臥蒼崖側借路行人間勃土相欺得那知
一幅中見此晚秋色悠然欲歸去遠壑誰同陟有人笑
絕纓捲卷成陳迹

文字禪卷一

九

上巳日有懷昔從雲庵老人此日山行

今年上巳日久客望江南雙林接脩水石路入煙嵐千
峯出雲雨空谷吞寒潭蒼杉鬱童童秀色動雲庵不見
庵中人青燈耿塵龕空餘行樂處攀翻聞笑談風光與
節物觸愁味參參臨高望煙靄哀涕落春衫

次韻胡民望小蟲墮耳

先生素坦率元日慵拜賀獨從耶溪翁掩門作清坐一
尊對喧譁酒酣巾幘墮忘形到挽鬚困倒相枕臥一蟲
輒墮耳忽覺風雨過隆隆竟不已亟起呼燈火頗疑含
沙流射影陰中禍蟲亦意墮井咨嗟恨坎壈豈曰無意
出欲出但未果驚憂發清詩怨語終婀娜夫子英偉姿

奇韻出羈鎖那知乘一醉遭此微物挫鬪豈真鬪牛此事古亦影置之勿復疑自可平物我我詩無好句聊復相唱和恐亦有佳處一笑千愁破

贈歐陽生善相

薛公衣尙傲飢腸轉鳴雷天子征遼東細君笑曆開吾夫雖奇蹇要是高世材發必藉時耳今豈其時哉往見張將軍喜曰真吾儕三矢定天山英聲馳九垓房杜未肉食席門蒙積埃但餘王氏子文字相追陪賢哉太夫人智鑑照襟懷嘗自撫其子國鼎真鹽梅但未識其友試與俱而來窺窗見之喜亟使羅尊壘果見貞觀間相逐登三台予嘗閱舊史至此嘗徘徊數子初未貴踽踽

文字禪卷一

一

蒿與萊而彼一女子底蘊遭窺猜何如婁師德碩大非栽培譬之萬頃波但見琉璃堆倔强如梁公包撫等嬰孩掩卷發長想鄙吝爲崩頽吾今著田衣百念如冷灰功名一破甑掉臂首不回頗怪歐陽生諛語坐差排人生如逆旅歲月苦逼催懸知賢與愚終作土一坏美惡何足道君亦真恢諧愚賢君勿取吾肯罪形骸不肖君謂賢是適爲吾殆重輕甯在子意子定癡狀所喜亦清散時時過茅齋明日念當行引紙研松煤詩成極醅醖

蒲萄初撥醅

贈許邦基

邦基今年方十九美如濯濯春日柳龍章鳳姿絕世無

金馬玉堂如故有酒闌愛捉玉塵尾玉色正同批誥手
高燒銀燭擁新粧看君落筆龍蛇走欲驅清景入秀句
萬象奔趨不敢後人疑錦繡纏肺腸不然筆端應有口
謫仙風流今復見況亦彷彿外塵垢但恐功名纏縛人
未放青山掛窓牖

送正上人歸黃龍

道人泉南來音姿頗純美觀其略笑語亦自飽風味相
看坐終日孤月墮止水但見篆畦間青煙行未已朝來
忽去我秋風動衣袂試問安所之笑指千峯裏秋晚當
相尋結伴入層翠

贈吳世承

文字禪卷一

十一

吳郎氣高明溫然見標格文章當世家風流走上國清
談落玉塵醉袖餘詩墨一種富貴韻綠髮映坐客便覺
儒生寒枯衰酸凍色解來古招提爐香伴禪寂宗之果
瀟灑壁門應夜直歲晏或來歸共理登山屐

次韻寄吳家兄弟

朱門連屬南昌郡東湖褒賢拔高峻西山卷簾入欄楯
富貴遮人不容遮我初見之不敢瞬吳家諸郎特風韻
戲語嘲之終不愠筆鋒落處風雷趣冰華百番一揮盡
紅粧聚看眼波俊一堂喧闐客懽甚大厦吞風簷月近
君看渥洼本龍孕俗馬那能著神駿

香城懷吳氏伯仲

西山遭霧雨形勝久抑鬱雲開誰使令千峯爲子出骨
瑛淡如秋談笑極強個扶提登高閣慷慨問陳迹特欣
曇顯醉不受澄觀律加額想諸郎豪氣洗寒乞新莊花
成輪春生夢蝶室清境乃不游萬壑同稱屈洪崖清不
殺笑傲時出沒路逢騎雪精挾以兩橘栗

大雪晚睡夢李德修插瓊花一枝與語甚久既覺

窮年踏黃塵旅臥每自鄙此山頗岑寂飲食亦清美瘦

藤當一折且作終老計曉堂看春雪秀色淨窗几爐暖

倚蒲團頽然成坐睡君從何所來會我清夢裏瓊花斜

裊帽眸子湛秋水伊子雜權笑應阿竟何事忽然長揖

文字禪卷一

十一

去驚覺在千里人生孰非夢安有昏且異心知目所見

歷歷皆虛僞他日或相逢何殊開曉寐此詩當見渠一

展笑相視

汪履道家觀所蓄煙雨蘆鴈圖

西湖漠漠生煙雨浦浦圓沙鳧鴈聚今日高堂素壁間

忽見西湖最西浦翩翻兩鴈方欲下數隻飄然掠波去

獨餘一隻方穩眠有夢不成亦驚顧蕭梢碧蘆秋葉赤

青沙白石紛無數我本江湖不繫舟爾輩況亦江湖侶

令人便欲尋睿郎呼船深入龍山塢

蘇子平汪履道試李潘墨

南陽國師古禪伯玉殿以棋聊戲客客雖四海碁絕倫

我解兩奩俱用黑侍臣大驚帝微笑客亦袖手吁莫測
黑中優劣自能分正似蘇汪今試墨老潘氣韻凌阿寬
二李不平有矜色坐令好事旁舍郎瞪視無言受巾幘
我非南陽不能辨以手捫頭空嘆息徑當相攜詣瞽叟
夜半一辨須明白

芙蓉阿隆耽兩耳急性天然緩如葦懷親徑歸不肯留
少留龍山今月矣新交未數故人稀睡足明窓臨棐几
管城落帽爲微笑便覺金光走龍尾試校鶯經拂硬黃
傳此寶書于餘紙紙光葉葉揭筠膜字工戔戔行凍螿
勝公昔讀龍宮文百本妙談此其髓流落人間今幾年

文字禪卷一

三

此去西天十萬里我寄間房古寺中間風著瓊自當止
自非道人三昧力此書何以能至此炷香一讀萬緣空
海印發光初按指願君垢盡雞出燭亦於此法信根起
生生要續無盡燈照了無明癡種子

送元上人還桂陽建轉輪藏

趙州飽叢林懶憶亦慣便起步作欠伸藏經終一遍投
子猶可駭手足未舒展但於數字中演出五千卷兩翁
古禪伯措置令人羨安知塵塵中法輪常自轉無數妙
章句函匱金碧眩芥子琉璃瓶歷亂齊發現頗怪老龍
華底事別營建幻出諸鬼物奇狀分百變疾馳並推轂
過目等飛電萬衆初錯愕熟視生悲戀譬如觀寫照筆

下出眉面爭貴紙上容活者反棄賤乃知像教未妙理
蔽浮淺要令齒髮輩種性受熏煉元禪今南歸酬此夙
所願我作送行詩敗墨磨破硯詩成一大笑相顧春風
軟會看出談笑錯落照深殿想見午枕清隨喜時遠漩
贈淨上人
金華上人牧羊伴來尋江南好山看西湖毛骨漱秋光
野鶴精神照冰段嗟余塵事苦相羈槁項蒼顏老路歧
二年來往南州浦古寺閒行三見之生涯初不受塵垢
到客跣趺聽秋雨玉軸已閒經半掩銀葉未寒煙一縷
雲泉佳處包當解未暇從人覓錢買不嫌高笑常垢汙
與子俱載歸東吳

文字禪卷一

西

贈器之禪師

器禪鄙水來一鉢自笑傲偶然家此山十見青林槁寒
骨聳詩律枯筆作行草韻如絳闕容日月不能老伊余
曾聞名再見遂傾倒情高付無求語妙知有道茲山得
君居便覺山愈好何時事東巖隣徑雲共掃時時從君
游吐詞覓遺藁
秀上人出示器之詩

川原積雨收餘陰閣新晴一宿古蘭若歸夢有餘清清
辰起危坐笑看煙縷橫讀此阿師詩秀絲出盆明中有
衆谷髓氣和李騎鯨遙知落筆處逸紙風雷生世無歐
陽公意氣相倒傾豈當棄置此終老黃茆坑雲居道疑

大上藍持簡精藉渠一笑起頽網相拄撐秀也舊不識
一見氣不矜索詩亦不惡寫此抑鬱情持以示流輩試
令俗眼驚

送雷從龍見宣守

并序

韓子蒼少時從雷從龍先生游子蒼已入館而從龍
尚高臥廬山之下六喪未葬特詣宣城謁知府舍人
劉公衮公衮僉判在府中作此詩送之

子蒼布衣昨日脫今日便校秘閣書勿驚韓雷相隱顯
今來古孫名姓俱君看守道已華國先生徂徠猶把鉏
嗟君六喪寄空館富人滿前那可揀壞衣懸鷄無一錢
想像郭公四十萬青雲故人氣如春解令寒谷生和珍
江浦買舟春水生片帆何日到宣城府中若見空青老
從渠爲覓詩遺藁

文字禪卷一

五

予在龍安木蛇庵除夕微雪及辰未消作詩記之

子蒼詩二首

終夕不自寐老逐客愁長寒威正折綿歸夢不成往蕭
驚聞打窻氣勢頗春撞地爐對殘釭瓦溝集清響起看
雪覆砌秀色動屏帳歸來簷溜滴生席初未暖乃知春
草微已出巖凝上但餘蒼蘂林落花和月賞

元朝喜見雪一室譁少長新年方下車故歲已長往和
詩如弈棋時時作頭撞知誰徑尋我東牆屐齒響正當
穩靠蒲移几就紙帳宿硯已生冰呵筆藉和暖一片忽

飛來墮我詩卷上爲置石鼎烹茗飲聊同賞

龍安送宗上人游東吳

淮水送君春雨餘刺舟斷岸歸匡廬江南別我秋天遠
輕囊瘦策游西湖君去復來如社燕我獨留滯如賈胡
牽衣覓詩亦不惡怪君兒戲忘髡須平生千偈風雨快
約東萬象如驅奴飢來一字不堪煮乃知弄筆輸耕鋤
不如尋我舊游處武林清境天下無耐清不得却來此
作詩送君游上都

送充上人謁南山源禪師

老源縛屋磯山側廬山對門江水隔單丁佳山二十年
一等栽田博飯喫諸方說禪如紡車我口鈍遲無氣力

文字禪卷一

六

屋頭枯木自安禪生鐵脊梁釘樁直我昔東游曾見之
兩頰温然笑渦出到今持夢渡楊瀾浪花漫天浩無極
紛紛衲子飽眠臥面如旄子衣領白年年江北與江南
誰肯端來尋此客愛君今人肺腸古毛骨含秋眼睛碧
能知此老端往尋處處好山留不得作詩贈君終自愧
君去我留空歎惜

石門文字禪卷第二

宋釋德洪覺範著

古詩

高安會諒師出諸公所惠詩求予爲賦用祖原韻

黃塵踏遍江南岸
矯首無言對河漢
故山有屋埋深雲
一夜歸心掣不斷
山舟日夜去無休
挽繩欲繫慙無由
紛紛世態真一夢
願我所爲如直鉤
綠錦江頭識諒禪
傾坐高談象帝先
疑君卽是僧太白
不然無乃真彌天
仙風襲人欲輕舉
天容道氣出眉宇
擁坐衣裳墮不收
山水懷雲經百補
我今老倦亦慵叅
去死正如三眠蠶
相看一笑有佳約
他日同歸五老庵
人生眞若屈伸肘
萍浮梗泛因邂逅
料君有膽大於身
未應搜索因詩瘦
閒亭夏木初垂陰
相逢還得同攜手
未見千首萬丈光
先看七步才八斗

文字禪卷二

一

次韻汪履道

老來漸覺朋儕少
夜室孤禪還自照
惟詩垢習未全除
賴有汪郎恰同調
嘗聞從來以類從
谷風忽作虎應嘯
交道今嗟張紙薄
老人嘗乖少年約
與君一笑似三秋
此道長令洞開廓

次韻李商老匡山道中望天池

幽人修水上春漲
冒陂田時時想見之
笑頰微過旋往來
柴桑間妙語生雲煙
廬山自高寒青碧
開晴天倚藤

望絕頂風味如斜川我思從之游子亦當勉旃詩成聊
假寐歸夢歷層顛

至豐家市讀商老詩次韻

楊柳護橋春欲暗山茶出屋人未知冒田泱泱走流水
小夫鏟塍翁夾籬雪晴春巷生青草煙濕人家營晚炊
心疑輞川摩詰畫日誦匡山商老詩夜投村店想清境
蛙滿四隣簷月移臥看孤燈心耿耿呼童覓紙聊記之

送子美友

曉痕翠浪行將遍掠面柔風初剪剪梅頰欺寒底死香
柳眼窺煙皺未展相看感此故意長欲別忍看春尙淺
離情惱人深造次撩我小詩弄清婉腸斷江頭無語中

文字禪卷二

二

謝郎匹馬嘶風遠

謝安道花壇

三月江南春不淺謝家池上開花苑層壇迸破碧瑠璃
嫩蘂簇成紅婉孌一枝兩枝和霧白素娥月下逢姑射
十朶五朶照水紅仙姝並立瑤池東人生過景須行樂
莫使餘香散簾幕白雪難逃鬢上斑金樽且對花前酌
醉則傲羲軒醒則歌堯舜榮辱是非都莫問風雲際會
自有時忠義果然天不困君今還作天涯客憑闌正遇
羣芳坼不插羣英醉上林人謂少年真可惜明年再獻
平戎策順風高舉摩天翼大手親提却日戈刈除天下
閒荆棘古人養花如養賢我今說花心亦然栽培直欲

助眞宰扶持造化工陶甄時人莫以花爲浼大都自是
人情改若使人情長似花相看顏色年年在謝安道輩
眞難得不容蒿艾生牆側不勞巧手寫丹青不學世人
畫墻壁靈苗自有天然格門外溪光長瀉碧更向溪光
種碧桃宛然便是神仙宅謝家池館勝瑤臺淺白深紅
次第開爲報賞花君子道何須東海覓蓬萊

送覺海大師還廬陵省親

老蹤滄海珠道價歷千古莫年還東吳豈不以親故世
衰道陵夷學者例頑魯處處如塵沙紛紛然不容數但誇
謝公子乃翁墮江渚坐令乳臭兒高論不少懼安知覆
漁舟甚媿編蒲履大師京國來秀色見眉宇笑談出流

文字禪卷二

三

輩亦自有佳處懷親不能休飲食忘匙箸醉翁鄉里賢
安角誦翁語人老尙康健春寒與秋暑念之凭高樓白
雲入瞻顧浩然有歸興掣肘徑馳去遙知到螺江杜林
間布穀迎門一調笑謹極但摩拊童頭想懷橘衣樵應
戲舞聊用慰其心高追古人步此詩語散緩細讀有奇
趣譬如食橄欖入口便酸苦勿示癡道人被罵吾累汝

送瑜上人歸鶴乞食

蜂房蟻穴天魔宮青蓮忽生樓閣重升堂拋鼓集衲子
爭看掣電飛機鋒者年過憂食時至欲學遣化毗耶翁
瑜禪聞之粲一笑此老變怪驚兒童我當乞行等貧富
欲使勝利傳無窮出門掌鉢何所詣胡馬舊聞嘶北風

霜清月冷動歸思已覺荷山生眼中會看對衆捧瓊瑤
平等心華含太空

仇彥和佐邑崇仁有白蓮雙葩並幹芝草叢生於
縣齋之旁作堂名曰瑞應且求詩敬爲賦之

宰肉杜樹陰豈無天下志用材樛楔間已有經綸意欲
觀臨大事必自小者耳彭侯偉傑姿要是千乘器小邑
試牛刀不滿一咲喟仇亦何所爲睡足時隱几原多深
夜耕門有晝眠吏三年愛等母百里平如水政化不自
知草木發奇瑞論人或多舛唯天不容僞耿泉豈知忠
元乳豈知義應之捷影響物有固然理此堂濕青紅賓
從時畢至應爲文字飲硯席生佳氣

文字禪卷二

四

華裾翠吏民起獻觴願酬太

平醉

居上人自雲居來訪白蓮社話明日告歸作此送

之

浮雲山盡際花木迎春暉佳人殊方來見之消渴飢藉
草坐松影粉香時落衣氣貌秀可掬出語超幽微巖壁
鐘聲寂山陰花發稀去袂挽莫留又作甌峯歸

次韻汪履道

君去中秋猶一缺爽氣洗開倍明徹昨夜宵晴獨倚欄
露冷鳴廊卷風葉百年客舍熟黃粱夢境偶逢還偶別
謝安擁鼻公豈免百年死灰我何說故國天涯眼力衰

飛鳥當還倦始知可憐此別秋方壯未審重來是幾時
予與故人別因得寄詩三十韻走筆答之

天不逸羣君獨立洞徹心曾秋色入於中堆積萬卷餘
筆力至處風雷集刃游理窟無全牛端與腐儒到固執
昔年囊綻露微銜已陟雲梯最高級縱令大醉賦凌雲
玄珠閉眼從頭拾森張秀骨真神駒顧盼絕塵那可繫
中亦是個中流恨不識君只依挹西園道人文章
覽詩愧歎不復習野僧頑鈍誰比數而得聽君論軻伋
別來三月鄙吝萌聞傳習新詩什翻瀾妙語驚倒人
氣馘霜鋒光熠熠此詩初得喜未展烏鳴下啄雞得粒
初如積水窺落霞淺碧穠紅相間輯又如霜曉聽邊風

文字禪卷二

五

十萬軍聲何翕翕筆鋒正銳物象貧降旌狼藉詩魔泣
嶽嶽太白不得儔偏強退之自莫及蠅頭細字好生書
爲君卷束藏幽笈嗟予衰老百無能園圃自鋤瓶自汲
人間萬事一笑空流年忽忽將三十形骸念念非昔人
暗中負去何其急竭來蹇剝猶可哂兩眼欲昏愁淚澀
擊盂專作口腹謀骨立侯門聽與給舊山歸去成蹉跎
半年飄泊留城邑詩源荒涸如廢池淺穴敗隄微有濕
不量更擬和陽春枯木鑽膏竹漉汁夜樓無語立西風
月華如水清堪挹君居若耶溪水東我舍秋河半山隰
露冷亦應思故人篋有緹衣餘十襲碧光當戶應可掬
頑翠撐天空業岌撚鬚落日意無窮片片催詩暮雲歛

知君今作蠅泥翁頭角那能久埋戢妙齡素有廊廟具
破袞煩君重補緝我亦東西南北人從今預可措杖笠
早晚風雲際會時雷震一聲龍起蟄

蒲元亨畫四時扇圖

畫工妙物無不可誰能筆端自忘我醉蒲睡著呼不聞
但見解衣磴礪羸起來漱墨滋破硯霜綃只尺開紈扇
點綴四時無不有但覺眼前紅綠眩雲破連峯青碧開
林梢時復見樓臺斷橋落日空流水爲問秦人安在哉
春山杳靄知何處夏木森森蔽雲雨秋陰未破雪滿山
笑指千峯欲歸去看山對客憶蛾眉客去愁多自不知
滿眼匡廬看畫軸平生坐媿虎頭癡萬事浮雲定何有
白鶴歸來千載後江山長在身世忙歲月不移舟壑走
對此未歸心欲折借君玉斧修圓月會看談笑滿清風
詎使人間畏炎熱

贈閻資欽

名都大藩地英俊蔚如林烏靴青衫中時見閻資欽風
度若英特杳然自清深借無軒冕意功名亦相尋合是
廊廟具下僚那敢沉郵亭欵夜語霜清特攜衾篝燈伴
清對商略雜古今譬如武庫開錯粲森球琳詩工出奇
麗寫物意在琴絕如歐陽公但欠雪滿簪句法本嚴甚
頗遭韓柳侵願爲匿盆麝恥作躍爐金世無子期耳廣
陵誰賞音何當學梅福九江歸雲岑

次韻見寄二首

心親出傾蓋氣合論夙因久已仰高誼竊伏淮海濱夫
子真自重不減南國珍笑談帶富貴翰墨生精神譬如
千江月處處能分身而予續高韻坐客譏效顰安知磁
石針妙處無陳新思君欲夜話痛嗟隔城闌熟讀空來
詩秀色摩清春便覺海棠雨圓吭爭滑唇游絲登百尺
飛絮沾泥塵要當爲設榻敷以白氈巾看君把麈尾抑
氣思舊申涼肝藉苦語激烈敢不遵

次後韻

平生邁往氣醞造次公狂才高簿書縛貌和無歎傷君
看此風味自是萬夫望利害方焚和睡笑皆清涼潁臯

文字禪卷二

七

舊廬在頃稻連畝桑時以笏拄頰阻隔如澗岡少陵功
名念看鏡毛髮蒼長哦和秋雨斃林更聞蠶人生行樂
耳萬事付一觴淮南謫天厨大言忘異牀吾儕本踈拙
閱世忘否臧願言置此喙無咎持括囊桂賢供火浴龜
虛得剝腸一蓑煙雨蝸兩角我耕南畝君開荒

送通上人游廬山

少年四方志一杖餘氈巾朝來過微雨扁舟買南津廬
山冠天下況復當春遙知泊星渚雲開蒼翠新相看
發一笑瀑布垂天紳虛漢清月上山空無四隣應懷千
載姿坐榻空埋塵興來得好語錄寄北山人

夏日西園

晚庭一霎過暑雨高林相應山蟬鳴南窗夢斷意索寞
牀頭書卷空縱橫蔬畦日涉已成趣起來扶杖園中行
葵英豆莢小堪摘矮榆高柳陰初成野禽啄果時落地
池塘蓋水新荷平歸來西屋斜陽在原舍尙聞春籟聲
廓然送僧之邵武頗敘宗族以自激勸次韻

道人秀傑僧中龍揮斤八極轉蒼穹雖然削弱不勝服
童稚亦可堪其曾世人徒見例禿髮安知璞玉混鉛銅
顧君自是無營者千山何事來忽忽山衣一披出松際
蕭然自有清散風我狂如君不知恥駑力亦須追高蹤
作詩頗亦敘宗祖秀氣傑句爭豪雄讀之吐舌頸爲縮
忠義能爾形於中初如迷徑失向背忽得車首分西東

文字禪卷二

八

從來蠢直失計置蝟頭但可衲帔蒙飯餘便寢百無事
可以傲視金蓋重乃今得名齊物志激快如鳥初出籠
願君勿復忘此語他年吾欲觀事功

自豫章至南山月下望廬山

扁舟秋晚離南浦片席搖風望星渚揚瀾大浪晴拍天
南山窈窕開蓮宇倒牆散策一登臨便擬掩關深處住
吾生飽食隨東南去亦無求住無取江山得意且題詩
從游況復皆眞侶青燈灼灼夜窓深對牀臥聽風颯語
忽驚憂患一笑空便覺此生眞逆旅隔岸廬山金碧開
月明尙記曾游處何當乘興更一游興闌却向鍾山去

送德上人之歸宗

溢江萬朶真藍潑寒空翔舞狂如活白龍擘開蒼翠飛
爛銀鱗甲千尋發春巖觸石聲震山金石硤洞奏深壑
野風吹斷蒙山雲松端彷彿遺樓閣中有道人如嬰兒
頽然一身無所爲而今妙譽走天下衲子向風爭奔馳
自嗟匏繫天一角睫交去夢渺難追何時再拜覲珠玉
激昂吐我胷中奇上人今向山中去明年應到雲生處
紫霄峯下如相逢持我此詩煩寄語

夏日陪楊邦基彭思禹訪德莊烹茶分韻得嘉字
炎炎三伏過中伏秋光先到幽人家閉門積雨薜封徑
寒塘白藕晴開花吾儕酷愛真樂妙笑談相對興無涯
山童解烹蠡眼湯先生自試鷹爪芽清香玉乳沃詩脾

文字禪卷二

九

抔紙落筆驚龍蛇源長浩與春漲激力健清將秋烝嘉
須臾杳幅亂書几環觀朗誦交驚誇一聲漁笛意不盡
夕陽歸去還西斜

贈李敬修

荷山錦水靈秀鍾半千嘉運生英雄李郎年少韻洒落
天容道骨軒仙風下帷默與賢聖對鈞深索隱皆旁通
肝腸盤屈疊麗錦心胷洞徹光玲瓏文章氣燄長萬丈
那應筆夢生春虹桂枝未折白月窟麻衣尙走紅塵中
巖僧素有孝基眼觀人雖衆無如公昂霄聳壑趾可待
行行不用啼途窮

贈王性之

性之自是英特人唯恐富貴來逼身我非寶公亦識子
地上復見天麒麟眉間爽氣照秋色山水頓覺生精神
曾中撐拄萬卷讀對客傾瀉如崩雲不恨子未識和仲
但恨和仲未識君道山歸計儻可緩且復白帽拖紅塵
他年攜我渡弱水僥倖一看瀛洲春詩成笑答千巖響
東嶼峯頭湧玉輪

次韻性之送其伯氏西上
乃翁純孝曾種玉一雙秀榦森如束憶昨同舟游鄴都
鬢鬢尙帶廬山綠只今追想如夢魂更堪哦子陽關曲
霜蹄暫蹶堪一笑連壁終當照金屋且醉山中浩蕩春
錦繡誰同賞雲谷

文字禪卷二

十

次韻余慶長春夢

阿環夢回如墮雲硯中玉纖如醉文香囊翠被不復見
華清草木猶醺醺仙郎春光洗懷抱柔情不斷如芳草
軟風細漲玉橫斜一尾追風北山道詞鋒落紙磨秋霜
千首今餘萬丈光從來支遁識神駿歲月不知君意長

讀慶長詩軸

韻如春水初含風秀如蘭芽新出叢人間何從有此客
坐令衰老忘龍鍾新詞鏘金紛滿眼妙語屑玉霏無窮
讀之置卷欲仙去風度絕似歐陽公儒生寒酸不上眼
江南風流翻手空那知此郎蹶然起筆端五色回春工
只今陛下固天縱文章星斗懸高穹天生堯舜稷契主

君宜置在明光宮雪中呵手研破硯詩成一笑天開容
同慶長游草堂

萬株蒼煙間杳然出微徑相逢知有得一笑洗孤憤蕭
蕭半窓雨終日滿風聽綠雲到巉絕小立銳清興約公
我輩人發此一區勝春工自無私風力亦強敏柳垂拂
掠黃溪作揩磨淨籬間殿寒梅吳姬發微哂已忻鳥聲
樂更愛游絲迥余卽妙天下氣與山嶽峻春光纏肺腸
霽月磨風韻詩如畫好馬落筆得神駿日斜興未闌山
窮春不盡更爲明日游路遍鍾山頂旋汲一人泉峰頭
煮春茗

慶長出仲宣詩語意有及者作此寄之

文字禪卷二

十一

我有忘年生氣韻亦秀拔豈惟有詩癖亦醉凌波韞平
生慎許可期期不忍發但餘說仲宣十常在七八袖中
出新詩韻字清到骨遙知亦說我喜氣見鬢髮相思一
水間楚岫出毫末昨夜西風高凭欄暮天闊識君定何
時目送孤鴻沒

送慶長兼簡仲宣

君詩秀氣終不沒長吉精神義山骨諸公貴人亦識面
想見宗之雙鬢綠嗟予棄置臥空山索寞何人著眼看
高軒一日肯過我誇聲萬口鋒刃攢當時見君喜不徹
喜中便知有此別秋風雲帆十幅開石城浩蕩天水接
淮南不獨江山勝國士英才從古盛期與高人馮仲宣

小字同聯寄我篇

吳子副送性之詩有老子只堪持蟹螯之句因寄

平天之

秋來殘暑猶頑賴推擠不去吁可怪哦君妙語齒頰清
冰壺照人吐精彩絕知此公風味高想見尊前持蟹螯
說蟬不用朱藤杖看月却披宮錦袍大藩衣冠蔚城市
君所過從天下士忘懷一笑餞年華醉裏千篇是生計
相知何必蓋須傾此語荒唐却甚真人生懷抱要磊落
他年相逢是故人
至今高氏釣魚臺
當時呂望要周室渭水垂綸恣遺佚後來嚴陵傲漢家

文字禪卷二

三

七里灘頭釣月華二賢一旦辭隱淪當年平步升青雲
至今蹤跡耀經史千載何人能繼此宜陽高人眞賢族
構亭仍以釣魚目時人盡詠釣魚詩獨我來歌釣魚曲
君不見吳山青湘水綠唯愛夏絃春誦聲相續以軻雄
百氏爲絲綸以周孔六經爲餌屬遇時伸不時縮人言
君釣魚我言君釣祿盛代兒孫滿場屋前春舉手得鯨
鼈猶恐主人心不足
邠來李德修以烏蘭河石見示
予友李德修少豪逸有美才工文章一時輩流推之
聲稱著場屋紹聖初選於廣文至禮部好惡不合有
小司稟去游邊往來蘭會甚久晚屏跡田園然視其氣

貌精特功名一念未置也政和七年上元前四日過
子袖中出美石一掬大小二十八枚有紅青碧綠色
細視之有旋螺紋如人指紋以誇予曰吾嘗與諸將
至古烏蘭大河河中有洲隣夏國此石得於大河洲
巖中其爲我賦之予爲大笑曰君同時輩流皆踐清華
將爲顯仕躍馬食肉久矣獨從予山中食脫粟玩朽石
不亦夫迂闊哉然德修以予言爲非作詩以還其石
烏蘭洲塞夏國口大河天來箭激溜排空但聞地喘吼
勢撞石壁欲穿透石堅捍之不肯受擲雷濺雪喧夜晝
千年石骨亦不朽碎爲青紅雜怪醜疆場久空爛甲冑
舉觴天子千萬壽李侯橫槊千騎後望雲賦詩劒斨肘

文字禪卷二

三

徐涉河流馬俯馱下馬得之等瓊玖萬里來歸亦何有
出以示我爲拊手笑君兒嬉忘白首李侯氣如春在柳
大河西虜置懷袖君徒自珍世不售敵門那能易升斗
功名偶然夢豈久道人乃爾自薄厚此石笑汝汝慚否
不次韻君武中秋月下
秋光一半去無迹萬里陰晴占此夕書生醉語蛾月詩
想見看朱眩成碧白公初携佳句歸便覺草露寒霑衣
夜晴蘭室亦懷古領略太白懷玄暉千字一揮纔瞬息
流珠走盤紛的皪故應奇韻自天成此詩如女有正色
風鑿從來別俗氛吐詞句句含煙雲坐令一日傳萬口
不減長吉題高軒君家客皆天下士放意高談飲文字

江左風流掃地空今日追游可無媿嗟予禿鬢欲逃名
場來百慮霜雪凝世間垢習揩磨盡但餘猿鶴哀吟聲
劉生餐痴亦何美玄德結牝應有旨平生清境吾所嗜
正如翔鸞飲須醴君看清河夜升鏡微雲滅盡如磨瑩
定當先生度青冥思冷魂澄亦幽興笑中筆陣橫詞鋒
照人秀色煙茸茸調高未數紫芝曲酒美且臥黃金鍾
人生一笑如電掣豈特由舟藏歲月自慙陋句類無鹽
敢並高人天下白蝶苦思榮晉首字驚田林土蘇軾
送蘇七月七日晚步至齊雲樓走筆贈吳邦直蘇軾
錦江風晚吹征裘幽人詩思遏不休心知無處可告訴
掉臂直上齊雲樓凭欄展目時一快萬山奔走趨簾鉤

文字禪卷二

十四

回頭下視茫茫者龜囚蠶縛令人愁樓中夫子神仙流
道容玉頰紅光浮少年讀書浩江海回春妙語生筆頭
致君終使堯舜上大作一雨蘇林邱深山野僧拙筆語
作詩欲贈煩冥搜艱苦思索得箇字謹用持上君牢收
謝安昔與支遁游及其貴也加綢繆高風氣識正相伴
他年身退百無憂復來把臂登此樓軒渠一笑三千秋

次韻王表臣忘機堂次蔡德符韻

風埃九陌吹冠巾凍蟻旋磨無富貧憂患著人骨肉隔
奔勢熏天吳楚親何妨社稷神其拙壑舟不暇供歲月
句法不醫霜鬢秋邇來覽鏡莖莖雪雪蔡侯大家言不誣
筆端五色圖空虛酒闌耳熱題詩處豪放超逸先鋒車

古來百局坐奇智並頭暗中爭射利對人含笑真舍沙
幻影浮屠同一世世味甘於泥蜜刀舐之割利那可逃
癡兒坐守忘啼哭乃欲避就空勤勞君看秋風秀江叟
枯木形骸外塵垢屋下沙鷗交友同耳邊勝利蚊雷吼
水光綠靜山青葱意行回反遭路窮茫然一笑答山谷
忽見幽林小徑通我詩贈君無侏句碧灣明月不可取
游人欲上忘機堂請哦蔡侯醉時語

贈異中

道人少小來廬山水光山色供盤餐坐令山水秀侏氣
繚繞曾中成塊搏我初未識已嗟駭誇聲萬日鋒刃攢
故人坐上適相值妙語生我世間歡新詩脫口劃如電
奮毫狂起龍蛇鑽翩翩奕奕出意外慄然茅屋翻狂瀾
切疑湯休蹲舌底又疑醉素戲筆端作詩問君覓奇字
留待老年偃日看

寄異中

熏風度南枝餘芳委紅綠微雲生晚陰梅雨淨林麓穿
花鶯語遲翻泥燕飛速遐想幽人居夢過剡溪曲清聲
久絕耳斯懷抱煩煥仰道思彌高哦詩出凡俗脫屣滿
戶外輪蹄日相逐吾徒不得人大法世陵叔智刃剪蒿
蓬利鋒揮樸楸念往造前席初筮不我卜別來空相思
徙倚蒼山木懸知清興多銀鈎墮盈軸願得三百篇遺
我藏諸櫝如彼知音價不低金玉

次韻聖任病中作

君詩素雄放出語秀不俗更讀病中吟清婉猶可錄自愧魯鈍者文字每見辱有取定鄉間餘事亦何足夫子飽書史屢曬便便腹蓄深故發遠詩成驚衆目我詩雖不少俗馬空多肉賴遇禿毛髮苟仕安得祿所至有青山是處堪藏育行當拂衣去此志吾已卜君須更勉旃當以謙自牧功成還故鄉竹杖巾一幅永從林下游此詩無厭讀

巖桂狀爲作此

君不見海門比邱海爲家說法光明生齒牙坐令十二

文字禪卷二

六

緣生浪幻出定慧青蓮華又不見佛圖澄師氣邁往披拳山川俱在掌從來身世無二法勿作情與無情想何如巴邱老居士聲名雷霆喧一世邇來趣味等頭陀山中兒嬉雜童稚宅相天藏公發之卷簾萬山登睫眉冀除得石大如硯中有傲霜巖桂枝婆娑望之花六出熟視直氣終不屈言不得意以象傳桂枝馨香石介然

余方登列岫愛西山思欲一游時臯上人來覓詩

作此

西山層翠長倚天我來正及社燕前城中高閣時縱倚妙語已復凌芳鮮方將結伴未有侶而子乃敢犯衆先會當披雲亂峯頂却下濯足寒澗邊遙知笑語山答響

詩句時作何必編就巖折桂亦細事海棠爛熳燒晴川
歸來仰屋念清境夜未央方猶不眠此詩未到已如見
戲爲圖畫人間傳

饒德操營中客世與淵才友善有詩送之予偶讀
想見其爲人時聞已薙髮出家矣因次其韻

吾聞彼上人惰不精進觀其吐詞氣人品極爽俊邈
來效丹霞裂冠鏹鬚鬢高才固難容世議久迫窘想於
龍象羣眉宇發奇韻淵才幹國器美若兵厨醞平生至
孝節初不愧虞舜相逢夫梁城連榻盡底蘊如開衡嶽
雲仰此摩天峻此詩爲渠作崖略見筆陣把玩立東風
料峭應花信明窓小字臨握管腕不運愛君透真境邁

文字禪卷二

七

往無顧徇脫身索寞瀆洗我岑寂憤掉頭一長哦語卒

意未盡

文章有神驚穎脫風雷先聽毫端落窮年秀氣不知休

此蓋道餘德之相大人見世當有馭一枝區區何足托

此語令君意自消雙眸新退重重膜鼻端餘地大於天
揮斤請看無沾聖吟詩寫字到骨清寓意乃佳工折莫

我年十五恃豪偉廢食忘眠專製作人令瑕玷混吞聲
將使駭世驅時惡那知任已返吾病邈來猛省能自薄

默唇僻處兀聾癡十問煩人慵一答聚呵隨罵嗟愚狂
不祥乃背初心約我不怪君亦不嗔君獨何心惟喜躍

人生異趣各有謀分定那可相更博君不見謫仙歷落
解全真月下至尊堂獨酌又不見淵明坦率從所好悶
遭五斗相纏縛矧予於世百無求紛紛固可俱拋却歲
月更如秋晚池草木向枯泉欲涸行看東風顛沛來又
麗繁紅入斜萼

密林影羣陰露葉光翻夕幽人獨經行滿院許秋色幾
年涉嶺海頗亦歷佳席邇來寄江寺癡坐室生白吾家
在漳南萬頃蒼玉壁何當附舶歸重拂林下石此生一
夢耳夢覺試尋繹倚筇作長嘯萬事付鳥迹若有閒中
吟無惜寄飛翼

文字禪卷二

六

送能上人參源禪師

我昔游東吳曾過南山寺一識山中人知是黃龍子超
然精悍姿曉日出塵滓坐令平生懷未吐心已死別來
今十載歲月乃如此近聞歸南都老色更豐美遙知君
見時機妙乳生水道眼真鸞王棟辨不容擬應怪納飯
師趕逐倒脫履萬象爭驚吁虛空笑啓齒却歸下板頭
破衲蒙凍耳他日重相逢煩君再指似

夏日雨晴過宗上人房

仲夏林木深古寺雨初足殿閣風颯鳴閒庭草空綠小
軒試凭几解籜愛新竹點筆記題詩粉色不受觸道人
有佳處面數良以熟愴然亦無營來往相追逐此時偶

相值一笑天宇局何當烹壑源看此粟米粥

次韻權巽中送太上人謁道鄉居士

我讀瘦權詩起舞忘華顛疑與雪溪畫句法爭後先遙
知清嘯處逸氣生雲泉聊將笑時語乞與人間傳思君
發退想瘦坐如癡禪便覺香爐峯青碧開連天太禪十
年舊生計良蕭然清辰一鉢外臥有三根椽偷笑癡種
子夢幻供肥鮮鍾山領略游相值衡門前將謁道鄉老
巨浪翻吳船想見笑撫掌衣裾雪花湔

南昌重會汪彥章

彥章退然才中人譏訶唾笑皆奇偉看君落筆挾風雷
渙然成文風行水坐令前輩作九原子固精神老坡氣

文字禪卷二

九

儒生寒酸不上眼此卽要是天下士嗟予生計等飛鳥
翩翩吳頭復楚尾去年興發看京華笑傲清狂人背指
君獨折簡坐致我迎門歡笑自挈履舊聞牛鳴馬不仰
女逐臭夫那有理今年黃花南浦岸忽然見君失聲喜
僧房借榻管夜語燈火照人如夢寐懷中卿相且袖手
翰墨風流聊戲耳行看上書苦塊中凜凜范公只君是

贈王敦素兼簡正平

空山無人舟壑移坐看香燒行篆畦兄弟華軒肯過我
墮甌與箒生光輝著屐登山亦不惡攜被假宿良幽期
燈前綠髮映玉頰風流未數崔宗之夜談詞辯出神駿
頓塵赤兔眞權奇我欲置君帥河朔軍前千騎紅粧隨

望雲題詩付橫槩玉帶錦袍英特姿又欲置君玉堂臥
霧窓棐几春晝遲醉中草制傲風雨諸公堵立相嗟咨
微吟擁鼻笑不語恐未免爾無多辭爲君張燈掃東壁
他日重來讀此詩

贈黃得運神童

君初髮齊眉玉頰照秋光誦詩巨萬紙一目俱五行不
信同舍兒所閱隨廢忘姓名入清禁詔落銅山陽十三
見天子奏對允且詳翻瀾誦五經如水傳觥觴環觀共
嗟異朱紫如堵墻華裾小旋製初掛煩官粧歸來汝水
瀆夾道萬夫望指目無雙喬吟嘖有此郎異態懸睿想
行看登廟堂那知事齟齬放浪魚稻鄉顧我與君別忽

文字禪卷二

二

忽移十霜更逢石門下美髯如許長抵掌話夙昔夜語
響山房古人當大謬噪索失其常夫子獨何得坦率追
羲皇乃爲任重器愈抑道愈昌作詩以壽君他日未易
量功成徑歸來復此山水傍幅巾青杖竹卒歲以徜徉

觀黃得運神童

他日重來讀此詩

石門文字禪卷二終

石門文字禪卷第三

宋釋德洪覺範著

古詩

秀江逢石門微上人將北行乞食而予方南游衡
嶽作此送之

筠袁唇齒邦一水連清碧朝行筠溪邊莫見秀江色忽
聞兒童音乃知身是客獨歸江上寺杖笠倚空壁扉顛
會四海香火自朝夕相逢作熟視面數心莫識但記石
門時笑頰清光溢驚定喜失聲卒語成小立是時夜氣
清隙月金蛇擲念君當北行鉢飯從誰乞我雖能少留
秋燕社已逼一懽偶然耳分首成陳述他年何處逢話

文字禪卷三

此空歎惜

游南嶽福嚴寺

生計居然成脫略投老南來看衡嶽禹谿久留困霖雨
低摧悶若剪翎鶴朝來南尋度坡壠針水秧齊鳥聲樂
風光融融一都會鬼祠雄深抱山脚梯空延緣止巉絕
瘦策扶衰意超豁拂雲蒼杉雜錦石紫藤綠蔓相連絡
石橋下視隔人世但覺嵐光翠如潑亭泓無波自紺碧
澗草有香空錯莫忽驚梵宇墮林梢寶勢飛翔照深壑
欹斜萬礎盤蒼崖十步一樓五步閣冰柱瓊窗不知數
旒蘇一一垂簾箔扉顛道人相笑迎冰雪形容無住著
午梵清圓林葉動天花細雨無時落凭高且復息疲脛

心清別殿鳴風鐸雲開千里上眉睫吳楚江山見濃薄
嶙嶙如有女正色春不洗粧秋拂掠紫蓋頽然似矜妬
半出晴煙翠稜抹永懷堂堂武津老天骨開張耳重郭
三生來游等兒戲靈山一會儼如昨他年遺跡舊巖下
拴索猶存衆驚愕解云此山增智力鵬飛天風轉羊角
江西駒兒快騰踏青原麒麟亦超卓折足鎔中過一生
野蔬數根陳五合故庵遺塔尙依然行誦神交付冥漠
影不出山豈難事准擬茅齋就林縛退之南遷曾過此
好語誇詞雜嘲噓自謂忠誠動嶽靈望碑字字猶精確
但餘佳處不可狀浪禿霜毫秋色闊東坡唾笑成文章
山川勝處多奇作莫年亦爲僮耳游不一過山山愧作
爲君試將說禪口掉頭長吟擁山衲心曾便欲捏荒怪
落紙雷掄散風雹要將傑句酬佳景未怕山容作顰頰
福巖寺夢訪廓然於龍山路中見之
山高夜氣摧煩暑竹風爲作南軒雨夢隨柔櫓到西興
艤舟步入龍山塢蕭蕭松下逢睿郎問信遠來亦良苦
覺來但記談笑歡不省懽時竟何語臥看篝燈一點明
嶺海茫茫隔吳楚安得却如清夢中杖履追隨長爾汝

文字禪卷三

二

乾上人會余長沙

兀坐思歸不舉頭窗風爲我翻書葉衆中聞語認鄉里
便覺石門寒疊疊雲庵已作白塔新當眼風枝心欲折
道人叢林十年舊古寺青燈夜相接失聲方欲問江南

忽憶去年淮上別，逃空窅然聞足音。見子令人解愁結，
地爐火冷霜月苦。一室誼譁終暖熱，湘山破曉立傳停。
秀抹鉛華餘積雪，故應山亦爲余喜。隔岸遙看圓笑靨，
千巖佳處可同游。明日波晴當理楫。

好水黃魯直南遷艤舟碧湖門外半月未遊湘西作此

謝師招之

江夏無雙果無雙，子雲賦工未必爾。那知一飯在家僧，
眞是潛山癩居士。春湖白鷗未入手，衣冠林中作蟬蛻。
平生俯視造物兒，兒頑不省猶相戲。羅浮舊游今再游，
一念去來開眼睡。泊舟隔岸望湘山，應愛煙霏浮暮翠。
快當著屐上千巖，要看松風迎笑齒。公雖妍媸付一目，
定自胸中有涇渭。我非破頭山下人，聞絃賞音亦風味。
知君不傳西土衣，一龍一蛇聊玩世。

文字禪卷三

三

平出魯直弟稚川作屋峯頂名雲巢

只今海上青石牛，曾卧天子黃金屋。下看朱紫如堵墻，
上前諸公遭抵觸。眼高四海鏡面空，潛山歸來巾一幅。
慚愧君家小馮君，自是河東真鸞鷲。文章五色體自然，
秋水精神出眉目。人間不識但聞名，水非醴泉石非玉。
江南一峯獨高寒，時時笑語雲間宿。弟兄出處兩相高，
故作雲巢對山谷。

陳瑩中由左司諫謫廉和見於興化同渡湘江宿

道林寺夜論華嚴宗

范韓醉倒眠荒邱撼之不應民始愁天生公副天下望
雷霆聲名塞九州立朝嚴冷傳鐵面坐令鼠輩驚魚頭
上前論事傷太直逆鱗投笏來南甌長沙共渡一水碧
中流笑語驚沙鷗湘西古寺夜對榻高論自破千人浮
華藏法界在掌握遇緣卽宗甘自由世驚海隅在萬里
我視閩浮同一漚坐中忽舉毗盧印印海印毛皆徧周
大哉此法本無礙從公一游容我不

贈石頭志庵主

陝西道人最聲價自與老南相逼亞常恐清塵補綴難
那知乃有如君者爭傳絕似餘杭標十年夢想空飄飄
邇來衡嶽祝融下一見便令人意消道骨清間神秀徹

文字禪卷三

四

湛湛光風磨霽月高談未了山日斜篆煙已滅灰如雪
平生安得情相似可憐投分今如此且作山中盛事傳
我忘樸陋君忘年

遇如無象於石霜如與睿廓然相好故贈之

西湖睿郎最高道思之不已令人老道人相逢吳楚間
聞說絕與睿郎好年來學富身轉貧豈特詩膽大於身
法朋半是奇逸者我亦放浪無羈人霜威折綿寒入頰
長廊無人風卷葉寒窓誦讀夏日吟和氣坐令寒爰貼
筆端解語敏於口網牋時作龍蛇走頰君清哦當少休
萬象乞憐爭叩頭

石霜見東吳誠上人

我尋流水行忽入霜華谷山陰見幽人身帶湖山綠語
溫如春風韻秀自拔俗暗驚枯木堂栖此一枝玉遙知
夜窓深雪響亂脩竹寶書掩殘釭佳眠正清熟逸想在
西興清夢不容逐覺來念行處小詩欲收錄詩成寫烏
絲銀鈎奪人目斐几著牙籤興來還自讀

蘇軾浴陽何退翁謫長沙會宿龍興思歸戲之

何郎西州來逸氣掃秋晚平生貯書腹中有文武膽材
如駱賓王其直亦不減上書論國事忌諱失料揀居然
爲逐客安免投手板世方側皮相我亦作白眼閉門古
寺中一榻聊醫懶邇來偶病渴意緒覺蕭散頗懷當壚
人楚岫屢欲鏗我從山中來攜被夜假館地爐擁紅金
妙語容細欸凜然忠義氣不肯受盤縮正恐復一吐與
民作溫暖坐覺舟壑走歲月不可挽人生一夢耳勿作
鏡中歎何當結後期相攜游汗漫

歐陽修次韻道林會規方外

歐陽修因事忌掃犬隊賦

湘山半夜雨斷我西湖夢臥看讀書燈花作扶頭重曉
窓晴潑眼倒挂聞么鳳起尋殿寒梅小立幽香噴柳絲
不勝縮笋庭春脉動春色已如許樂事非一種平生所
懷人忽此笑語共雲軒爲誰停危坐山衲擁眼高空叢
林志大骨森聳開懷見赤心亶亶飽談誦坐客鶴腦側
我亦快心孔袖中出新詩筆力發豪縱風日麗醇醞黃
泥初揭甕舌根有滄海潮辯自掀湧何當橫枯藤齧鏃

追兩本吾宗欲顛覆文者例闡茸君能爲我起逸足王
良控我詩如石田疏理終無用朝來強鉏墾秃筆時呵
凍摩挲銅鏤腹博君一笑捧

改遷善石菖蒲

溪毛數葉一寸碧風姿底事能清癯戲將紅玉旋螺石
共置雪色花磁盃沙泉甘滑見毛髮時時酌以澆根鬚
蒼然斐几明窗下五月秋色磨肌膚已忘身世在南嶽
忽覺夢寐遊西湖遙知夏木午陰靜篆畦半破煙舒徐
莫翁睡足百事懶相看微笑依圓蒲

余作進和尚舍利贊遷善見而有詩次韻

進公事業頗拔俗欲憑妙語招遺魏文章種性欠疎理

文字禪卷三

六

焦芽故態何足論心知高人笑諛墓抱羞無地容逃奔
佳章忽來生喜氣風輪載我登崑崙徐觀筆力作波險
正與醉素爭弟昆山高水深世聽瑩愛子賞音知道門

次韻莫翁豐年斷

此山分得僧中龍獨論懸斷今年豐定知胷次有造化
是非飽更田舍翁清晨一雨符君說喜如初得毋砂訣
精神矍鑠口垂涎一飽可期扶病劣老來百事不如人
但願把穉秋如雲莫如往年水車聯龜兆坼出生黃塵
莫翁心地絕榛鹵圓中規而方中矩千偈平生如建瓴
此詩可意真時雨我詩脫口酬未當只欲與君凭閣望
萬頃連天綠錦光舞浪崩騰似春漲

韻如風蟬蛻塵垢氣如春容在楊柳風流翰墨俱細事
自是吾家道門友十年契闊挂夢寐一見令人忘白首
況在祝融眉額間青碧連天雪晴後冷齋撥爐聞夜語
雪灰消盡紅金斗君才合在臺閣間簿書堆中不應有
且置玉堂風雨筆來試牛刀霹靂手民姦吏滑本有神
到君難藏如鼻口臥駝忽起便過人再拜當爲乃翁壽
此詩乘怒勿示人願君低回爲遮醜

吳氏次韻超然送照上人歸東吳詩於平岳題淵洞天
蕭寺霜晴日初吐曦光煙翠橫深塢經行遲立望吳山
氣勢飛翔爭入楚山中有客冰雪姿十年不聽吳邦鼓

文字禪卷三

七

忽然曳杖出山去安禪後夜知何處石龕看月莫降龍
栗林暮過應衝虎此生聚散等浮雲可憐俯仰成今古
吳江一色軟瑠璃有寺正臨江上住他年法眼照人天
贈詩記取南州祖

金華超不羣用前韻作詩見贈亦和三首超不羣

且置玉剪髮參黃蘗

曾中蓄奇爲誰吐間臥湘西雲一塢興來落筆如崩雲
五字憑凌氣吞楚我詩望見倒降旗攻之何必更鳴鼓
獨對湘山夜色晴萬壑千巖最幽處臥要明月聽松風
爲君哦此文中虎此生身世付一戲安用聲名照千古
知君大用參黃蘗三篋束腰隨處住何當峯頂結茅廬

看去留意日月爭光輝子方童牙中已喜家翠微既長
游四方萬里孤雲飛方將追新豐冰雪橫鋒機訃音輒
僵臥聲吞淚沾衣平生哺烏情棲風無定枝大江浪如
山飛棹不可追要當濟安流龍神嚴真威一盃春露香
仰薦天地慈更期辦白業慰此罔極悲

送朱泮英隨從事公西上

文如水行川氣如春在花挾書隨乃翁千里游京華人
生少年樂於子何以加上庠閱英後過目知等差君才
固逸羣如金渾泥沙明年對殿陞落筆翻龍蛇遙憐綠
槐陰絳帳張紅霞金門看躍馬蘆鞭作橫斜滔滔九衢
中懽情浩無涯馭吏亦傲睨隱語相嘲誇紅粧鸞燕語
拭目興歎嗟知誰乞佳句駮墨字如鴟

文字禪卷三

汝江軟碧搖寒空環江玉色羅五峯神奇融結孕千載
於是代出文章公荆公道德輩孔孟致君勲業伊周同
君侯才氣真不減行看接武隆林功妙齡人誇好風節
氣壓穎汝何其雄曾經大筆戰文陣豪俊莫敢攫其鋒
老師碩儒玉堂上爭看洒筆回春工果然一日蓋天下
聲名熠耀馳華戎都城立石傳萬口士林矜氣橫長虹
巖僧廢棄誰比數亦復誦詠懽填膺迹微自恨不及識
向風每覺勞雙瞳天公恤此慕善者固遣織面山水中
坐令平昔心變滅譬如塵淨餘清銅自誇問道陝西老

道人況亦參禪宗與君於法實昆弟姑留十日游從容
拙詩別君無嶮句何從賞我雙頰紅他年揖讓對明主
回顧此會成虛空蹄輪冠蓋塞門巷容我劇笑應無從
蘇軾臨川陪太守許公井山祈雨書黃華姑祠

臨川富山水井山最深幽愧我今日來自非清散游試
問井中龍吾行汝知不高秋嗜酣臥此計非良謀晚稻
已及穗一雨足可收曷不躍而起霏然瀉南州要看賢
使君放衙擁黃紬

蘇軾寄蔡子因

平生閱詩如閱馬自憐雙眼如支遁子因句法馬羣空
爽氣橫秋太神駿上苑花光纏肺腸西湖霜曉磨風韻

文字禪卷三

十

較君年少翰墨場賈生伸舒覺寒窟醉中逃禪亦不惡
況復機鋒類龐蘊奉身一飯聊自珍富貴功名苦尋趣
鳳巢定生五色雜文章從來論種性嗟余索寞臥空山
多生垢習消磨盡但餘欲識天下英斃蛇脊尾猶一振
歲月去人江浪翻何時仰此摩天峻

蘇軾驟雨

雷掣雨骨天爲低行雲趨走不敢遲桐英滿地誰拾去
花態正顰魂欲飛紫金蛇光誰掣斷墮空萬點跳珠亂
須臾井滑紺無泥瑠璃骨軟爭道馳隼紅殘萼驚千片
可憐憔悴吳姬面林光草色自連天殘香依約知誰怨
蘇軾臨川康樂亭碾茶觀女優撥琵琶坐客索詩

小槽橫捧梳粧薄綠羅縮帶仍斜搭十指纖纖葱乍刺
紫燕飛翻初弄撥梨園曲調皆品匝斂容却復停時髮
日烘花底光似潑嬌鶯得暖歌唇滑圓吭相應啼恰恰
須臾急變花十八玉盤菼菼珠璣撒坐客漸欲身離榻
裂帛一聲催合殺玉容嬌困撥仍插雪梅一枝初破臘
南豐曾垂綬天性好學余至臨川欲見以還匡山

晉良去作此寄之與給登快而向東再筆晉刻本疑歸

我生小小秀不叢題詩落筆先飛鴻一從廢棄脫毛髮
乃與石田樗木同平生百慮湛古井無復掀湧波春風
尚餘戲書舊垢習終日伏案如啞聾默觀前古忠義輩
光明碩大皆人雄聞之恨未目親歷周行四海如萍蓬

文字禪卷三

十一

猛聞君侯富道義浩然養就如嬰童筆端五色藻造化
經綸事業羅心胷揚清激濁出天性英聲不減狄梁公
一節直走汝水上回首傲帚香鑪峯徘徊一月不見見
癡坐掩扇知命窮霜清昨夜興飄忽匡山落我清夢中
吾身去住本無繫便欲登舟而向東再惟君侯未我識
恨遣他日山水重作詩願覓亦不惡谷風從虎雲從龍
再游三峽贈文上人因送時鞋履鞋一鉢時如
肉身大士延平公眉毛如雪聲如鐘東坡驪眼亦多耳
信口呼作僧中龍坐令玉色煙霽裏晨鐘暮鼓三千指
而今骨冷撼不應青燈自塔臨寒冰上人談笑有精色
聞是延平坐中客紫霄峯下曾相逢別來幾何頭已白

地爐夜語尋前事當日交游半生死與君等是三眠蠶
浮世百年那免此我尋舊游聊自娛忽然見君權有餘
一笑且從吾所適後會重來知有無

泊舟星江聞伯固與僧自五老亭步入開先作此
寄之

煙霏含空青向晚望逾好欲行落瀑邊俊鶻屢側腦偶
攜白髮禪步盡青松道孤鴻聊送目瘦策自扶老甚欲
東澗陰縛屋安井竈我亦個中人歸計嗟不早永愧巖
上僧松鬣和雲掃

會蘇養直

方忻望廬山忽見蘇養直向來敗意事捉手一笑失瀾

文字禪卷三

三

翻誦新詩與山爭秀色歸來對青燈危坐日挂壁翰林
謫仙人隱顯吁莫測正恐騎魚去千里作一息

贈懶可

可師有奇骨吐語愕衆口秀如出盆絲媚若春月柳舊
詠雪梅詞便覺落渠後抱病亦同粲視身一塵垢臥看
東溪雲懸瀑激窗牖廬山久無僧殿閣空華構誰知千
巖勝竟入此卽手我癡世不要冷落如做帚但意君可
奪獨能容我不

一英福唐秀上人相見圓通

廬山萬木春已透滿目春光迎馬首北山攬飯借榻眠
一任春山穿戶牖道人聞是福唐來石門曾結游山友

相逢未說一笑懽且忻春色濃如酒何當瘦藤上孤絕
深谷忽驚如錦繡人生超放當超健東風已暗藏鷓柳
飛來峯巒餘餘餘餘餘餘餘餘餘餘餘餘餘餘餘餘餘
意行忽出門欲留聊植杖雲開飛來峯巋然眉睫上氣
勢欲翔舞秀色無千嶂萬物皆我造何從有來往大千
等毫末古今歸俯仰心知目所見皆卽自幻妄如窺鏡
中容容豈他人像頗怪胡阿師乃作去來想此意思是
非一笑聲輒放且復臨冷泉舉手弄清漲

念詩崇因會王敦素相熟
眼高四海語英發自應文章有家法金陵地肺山川驕
要君詩句時彈壓東來藉甚名譽傳景星瑞鳥人爭先

文字禪卷三

三

忽驚華氣傾坐客但覺人品春湖前一盃春露容同嚼
更看歸舟登一葉遙知笑語散驚鷗萬頃煙波止眉睫
念君懷中有卿相何時摸蘇一唾孛要看儒林萬口誇
文公諸郎能世家

中來聞端叔有失子悲而莊復遭火焚作此寄之
一子被奪去困廩遭火焚冷官寄僧舍僮僕臥朝昏平
生五色筆落紙生煙雲文章竟何用袖手聲吞東坡
昔無恙豪俊日填門君如汗血駒膽氣終逸羣坡今騎
魚去衆客亦續紛紛然淮海上霜鬢此身存我亦識坡
者一見等弟昆乃知水與乳自然和不分心期營一笑
發君雙頰溫那知墮機穽面上餘睡痕我公佯瞋睡嘲

誦了不聞遙知讀此詩拊手髯一掀

七夕臥病敦素報云道夫已至北山遲遲未入城

其意耽酒用其說作詩促之

去年鍾山今夕晴二豪興發來扣扃開軒咄嗟辦法供
一味萬壑松風聲頽然意適相枕臥便覺語笑紛喧爭
我方小立倚風檻君忽蹶起孤髻撐今年此樂墮渺莽
維摩臥疾毗耶城烏衣郎亦憎俗子閉戶臥看星河橫
美髯和易坐畏暑扁舟散髮歌月明遙知君定宿浮玉
詩狂欲跨橫海鯨傳聞已至蔣陵塢留滯未歸宜一揮
連床夜語久不理硯席忍垢蛛繼生乃爾彌日復信宿
不爲萬頃無濁清推擠不去有深意戀此百甕郎官清

文字禪卷三

四

甕邊被縛真有道酒後耳熱良高情不嫌折簡苦招喚
要看欵段兀醉醒

冬日顯甯偶書二首

山舟不肯留白髮日夜益曉窺青銅光乃覺朱顏失故
人半凋零行吟百憂集舊山天盡頭歲晏衰眼力高枕
此山泉比興復何日百年暗相驚奔忙如瞬息喬松亦
已塵仙術無煩乞
禮法日荒蕪坦率日增益唯餘枯藤枝起坐不相失山
枕孤雲歸林寒倦鳥集愛此亦題詩鈍澁見才力乃知
衰老來全殊少年日勞生知幾何萬事歸嘆息鉶斧好

當就阿誰乞

和靈源寄瑩中

此來漸覺身無累欲學瀟溪諱名氏鍾山萬頃獨經行
山日松風吹凍耳聞有僧從法窟來當鋒戲作橫機試
探懷示我妙伽陀兩翁回互偏中至乃知道德無貧賤
資者相求亦相契妙談何日看揮斤此老鼻端有餘地

王敦素李道夫遊兩翁軒次敦素韻

茅簷分首纔信宿佳句俄驚照雲谷兩翁諠闋姑置之
銀鈎勒出鬼神哭識君筆力回春工妙語天成絕雕斲
是時秋陰潑庭戶微月瓏璵隔寒竹便覺玉川照映人
譬如六月失三伏深雲開軒亦不惡窓戶清紅照林麓
方欣杖履日追隨漸喜並崖村路熟平生與山實神會

文字禪卷三

五

戲語嘲詞雜山綠要當終副此軒名絕境於君豈宜獨
懸想青燈夜對床香火淨緣期昔夙此詩煩寄謫仙看
要使軒渠笑捧腹

奉陪王少監朝請游南澗宿山寺步月二首

朝爲北山遊暮作南澗宿此生亦何幸稱心良易足青
燈委昏花笑語暖幽獨月出東南峯升此一輪玉開扉
發清嘯意行無澗谷勝韻高摩空妙語清到骨親朋萬
石門門吏千鍾祿如何飯薇蕨衲子相追逐明年守北
屏夜直黃金屋應懷此夕游夢想亦清淑定有寄來篇
吳賤煩自錄
單衣喜和風詩眼愛空翠野亭亦翛然散坐聊倦倚坐

久忽聞樵見視一笑喜那知深林外曲折見流水幽光
弄紺碧春色潑秀氣去爲千頃澤隄柳相嫵媚月光方
下徹浮空見頰尾投礫戲鷺之撲撫沙禽起歸途望林
壑煙靄隔山寺便如斜川游歲月亦相似

浙竹

龍孫初長浙江曲疎影蕭蕭濯寒玉平生知愛足風流
只有山陰王子猷而今流落蒼崖頂暗換年光鄉路永
冰敲雪壓未應哀鸞鳳不棲空故枝堅韎猶堪製長笛
最合官商勝金石爲君吹動鏡湖秋驚起雙龍翼小舟
觀山茶過回龍寺示邦基

北窓賞新晴睡美正清熟竹雞斷幽夢朦朧不能續臥

文字禪卷三

六

聞故人家山茶已出屋欣然一命駕妍暖快僮僕千朶
鶴頂紅染此一叢綠坐客例能詩秀句抵金玉攜過回
龍寺掃壁爲君錄逸筆作波險欹斜不可讀坐驚殷床
鐘暮色眩雙目入關更清興市井亂燈燭人生分萬途
稱心良易足時平且行樂餘賓非所欲

次韻葉集之同秀實敦素道夫游北山會周氏書

房

王郎本豪放富貴纏縛之頗復厭絲竹來聽松風悲葉
侯須似棘談兵輒紛披惜此文武膽英氣吞北西正直
威鬼神動欲焚淫祠道夫憂國心造次常念茲事功未
入手憤酒誰共醺正恐追老范吐曾中奇秀實氣剛

大歸宿未易期新詩弄清婉霜曉臨湘湄鍾山冠世境
登賞乃所宜林間見隱者面有無求姿不必問賢否但
讀諸公詩我無支遁才敢逐王謝爲推擠幸不死豈非
憐其癡一昨閱詩戰望見仆旌麾今能犯矢石居久氣
自移

洪玉父赴官潁川會余金陵

迂疎世不要冷落眠山寺空山斷往還落花自流水平
生所懷人那料千里至權極看屋梁通夕不成寐曉從
城郭來山亦爲余喜登門見眉鬢已覺增爽氣洪徐皆
人龍論議例英偉君於二老間妙語發溫粹胡爲下僚
中混此萬乘器攝衣願從君舉步懼惟鄙安知出愛忘

文字禪卷三

七

劇談略勢位便欲攜與東載我以船尾予生分奇蹇事
事得敗意獨於天下豪未識已神契天公亦見憐以此
厚我耳西湖今古勝前輩風流地風月久乾沒畫舫誰
料理行當入君手想見飽風味不得陪清游起坐終夜
喟定有湖上詩無辭遠相寄

西興喜而贈之

蜀客快劇談風味出譏誚衆中聞巴音必往就一笑道
人西州來風度又高妙天長頭郎高蹈萬物表平生
少推可說子不知了吾初意魁梧一見殊短小篝燈欸
夜語每每犯吾料貌和華林風氣爽霜天曉坐令岑寂

中絕塵追駭裏君看顯與訥出蜀亦同調竟如衆星月
聲光潑雲嶠子亦當加鞭歲月一過鳥

陳瑩中自合浦遷郴州時余同粹中寓百丈粹中
請迓之以病不果粹中獨行作此送之

我懷希夷老如啞無處訴忽聞得生還失聲喜能語想
見如鏡中仙風拂眉宇欲問華嚴宗忽覺隔吳楚攝衣
出從之久疾恐頓仆佳哉蜀道人精爽馳健武殷勤願
偕行得書卽徑去我生百無求青山滿門戶公卿一

掉頭不回顧斯人獨難忘自不知其故夙昔當問佛
亦法侶達書理故事已辦住山斧太虛吾斧柄能
收取

文字禪卷三

丈

山斧太虛吾斧柄能
其好夙昔當問佛
蘇門耳公卿一
爽颯對短娘隨風
禪師吳鼓
一尖燈喜誦 07156
世卷之



